



UPA 2017/145
Nuuk, 26.04.2017
Bendt B. Kristiansen

Aningaasarsianit akileraarutit pillugit Inatsisartut inatsisaata nr. 12, 2. november 2006-imeersup allanngortinneqarneranik Inatsisartut inatsisaat nr. xx, xx.xxx 2017-imeersoq.
(Aningaasaqarnermut Akileraartarnermullu Naalakkersuisoq)

Inuit Ataqatigiit iluarisimaarparput aningaasarsiat A-nik akileraarutit pillugit sukaterinissamik Naalakkersuisut inassuteqarmata.

Aningaasarsianit akileraarutit pillugit inatsisip sukatertariaqarnera arlalitsigut pisariaqarpoq, ilaatigut aktiaatillit suliffeqarfimmit taarsigassarsiarisartagaasa akileraaruserneqartari-aqarnerannik aamma akileraarutit A-nik atornerluisoqarsinnaanerata pinngittoortsinniarnerani.

Ukiut atorpagut nutatta avataanit sulisussanik annertuumik atuiffiusut, ilaatigut sanaartornermi, susassaqarfinnilumi aamma allani. Qulakkeerniagassaraarput suliffeqarfiit nunanit allaneersut nunatsinni inatsisit naapertorlugit nunatta karsianut akileraartinneqartarnissaat ilaatigut akileraartarnermi inatsisit ersarissumik maleruagassiornerisigut.

Suliffeqarfiit nunatta avataaneersut akileraarutissaasunik akiliinngittoortarsimatillugit nunatsinni suliffeqarfiusunut unammilleqatigiinneq equngassuteqalersarpoq, tamannalu pinngittoortinniagassaraarput, unalu inatsisissaq atorlugu suliffeqarfiit nunatta avataaneersut nunatsinneersullu akornanni unammilleqatigiinneq naapertuunnerusoq anguniarneqartoq iluarisimaarparput.

Ingerlatseqatigiiffiit inatsisit sanioqqullugit aktiaateqartuminut piginneqataasuminulluunniit erniaqanngittunik taarsigassarsisitsisarnerat uani inatsisissatut siunnersuummi pinngittoortinneqarsinnaalissammat iluarisimaarparput, taamatummi iliorneq akissarsinertut ilua-naarutisinertullu taaneqarsinnaammata.

Iluarisimaarparputtaaq illuutinit isertitarineqartartut ersarissarneqarmata illuutininik tunisinermi isertitarineqartartut ilanngullugit pineqartunngorlugu.

Tusarniaanermi akissutaasimasuni §76, imm. 2 annertuumik oqaaseqarfigineqarpoq, ilaatigut kalaallit suliffeqarfiutaannut annertuumik artukkiisussatut, taannalu Aningaasaqarnernermut Akileraartarnermullu ataatsimiititaliamit sukumiisumik qissiminneqassasoq kissaatingaarput.

Naggataagut iluarisimaarparput nunarsuarmi akileraartarnikkut peqquserluttuliortarnerup annertuumik eqqartugaanerata nalaani nunatsinnissaaq akileraartarnermi peqquserluttuli- unnginnissaaq qulakkeerniarlugu inatsisitigut sukaterisoqarniarmat.

Taamak oqaaseqarluta suliaq aappassaanneerreqannginnarani Aningasaqarnermut Aki- leraartarnermullu Ataatsimiititaliamut suliassanngortinneqassasoq inassutigaarput.

Qujanaq.

Bendt B. Kristiansen, Inuit Ataqaatgiiit